

洞玄金玉集卷之三

氣三

洞玄金玉集卷之三

七言絕句

得遇

悟徹心開得遇人
怕塵趨苦屏除辛
水中焰迸丹成妙
火裏蓮生道顯春

自覺

浮利浮名引調人
勞勞深苦更深辛
誰知勢耀如殘雪
我覺榮華似暮春

辭家

正做迷迷火院人
苦中受苦更兼辛
偶因得

遇通玄妙豈肯耽家戀富春

遊秦

散髮披襟落魄人
心無傷苦與傷辛
故來秦地甘河鎮
遠避家鄉苦海春

起慈

心願超凡化度人
起慈救苦更悲辛
勸人起閃寬親債
學我收藏斗柄春

忘念

做箇道門輔弼人
爲他哀苦更哀辛
因觀關裏秦川景
不憶鄉中甲地春

示門人

能脫名韉利鎖人解趁火院萬般辛水中火
發休心景雪裏花開滅意春

又

損損休心無染人閑閑養氣不言辛九般雲

現乾坤瑞一點陽生天下春

又

三尸六賊總魔人征戰辛勤苦轉辛誅戮妖
精心內劔修完異景洞中春

勸世

酒色氣財四害人苦中最苦苦生辛貪迷世俗浮華景不悟仙家久遠春

又

火風地水暫為人干甚勞勞苦又辛悟取仙葩開四季休迷凡卉旺三春

氣生

二

又

農士工商四等人各貪功業苦中辛不知短景催人老怎悟長真益已春

又

勸回屠獵與文人費我心神更苦辛捉住無

為難著有發揚大道勝遊春

又

物外逍遙快活人
修持非苦亦非辛
鸞飛鳳闕蓬萊景
虎吼龍宮海藏春

又

做箇能清心鏡人
奚論深苦與深辛
趣中得趣環墻景
塵裏無塵出世春

又

心懷荆棘暗欺人
空爇名香枉斷辛
好削塵情消滅業
積成和氣轉加春

又

玄言補益十方人
全戒腥羶分戒辛
常飲醍醐
惺復醉未觀
齒蒼景非春

寄鄉人

我匪鄉中下賤人
何曾當苦與當辛
遇師傳氣三

授無為理使我休
迷有限春

又

丁屬天涯海角人
自須離苦更離辛
閑觀八水絲毫勢
賞翫三州錦繡春

又

學道修仙作異人一心趨苦更趨辛虎龍易
位成玄趣日月交光發好春

又

決烈男兒慷慨人怕投勞苦怕投辛斡旋造
化通神用反覆陰陽盡變春

贈京兆府徐孔目

火院空耽空累人算來空苦亦空辛爭如尋
覓長生路豈似修持不盡春

寄京兆劉法司

名利如同酒醉人迷迷耽苦更耽辛只知名

利時問好志悟逢瀛久視春

又

大限無過百歲人何須苦上更添辛抽身急
避金枷累發志懃修玉洞春

贈鄆縣老張姑洎眾女姑

異人爲作異於人幹運三哥與六辛玉樹常
榮常是漑瓊華不謝不關春

贈鄆縣王姑暨眾女姑

優游恬淡養真人不須酒肉與葷辛醍醐三
盞千秋歲蟠桃一顆萬年春

贈鄂縣趙姑暨眾女姑

無為清淨鍊丹人
免受紅塵萬萬辛
玄圃種成無漏果
水鄉枯盡沒殘春

贈柳蔣辛老宿

誰為吉善好心人
柳蔣村中老宿辛
悟道難

氣三

四

迷塵世景修真易見洞壺春

秦鎮酒都監王武德小娘子告出家

以詩贈之

投玄入妙樂天人鍊氣何曾苦
上辛我悟收來不到處
自然不是嶺頭春

又

物外逍遙坦蕩人也無心苦與心辛
嚮中養就清涼火鼎內燒成大藥春

寄咸陽小張錄事暨眾道友

咸陽陌上古今人利引名牽苦辛何似幹

旋三澗雪寧如修鍊四時春

贈乾州高常善

要做蓬萊三島人不須說苦更辭辛
尋思天上二三載已換人間百萬春

贈武功時先生

我奉風仙化導人免憂生死苦和辛清心寂
寂靈靈性調息綿綿永永春

贈鳳翔小李仙

不貪不愛不凡人恬憒優游豈受辛玉樹枝
分千種秀金蓮花放萬年春

氣三

五

贈隴州賀孔目

萬萬千千名利人有誰知苦更知辛若通吾
道玄中妙暗惠賢家臉上春

贈隴州尚書表

擎下金枷玉扭人悟閑肯受苦勤辛修完不

有修完處捉住虛無捉住春

余復別隴汧重訪龍門山有李子和
解元相餞至勾兜堡旅館同宿是夜
聞隣舍人亡悲哀不已作此贈之

耳內常聞哭死人鼻中不覺瀝酸辛
哀人豈似常哀已見道勝如未見春

隴州李子和解元入道訓法名太莖
號靈根子

休要哀他亡過人切須哀己嘆虛辛
急修久視長生景得實瑤臺閬苑春

儒醫高孝叔索

高公秀士智醫人拈弄苦參與細辛爭似修
完蓬島路寧如賞翫洞天春

贈隴州續玄機

清淨無為真道人並無苦苦與辛辛三千功

滿三千日十二周天十二春

贈隴州淡善柔

斷除酒色氣財人免向家中受苦辛決烈回
頭三島客修持定飲十洲春

贈郭善能

坦蕩逍遙物外人
沒憂沒苦沒艱辛
牢收亘古三田寶
賞翫元初四季春

贈魏道清

鼓腹高歌樂道人
自然無苦亦無辛
壺中有景非常景
洞裏藏春別是春

氣三

六

贈張玄成

無拘無管散閑人
擺脫勞生苦裏辛
撫動心琴金鳳舞
深藏瓊樹玉堂春

贈隴州趙八郎

惺惺伶俐最愁人
貪爲養家苦力辛
不念百

年隨手過空圖榮旺暫時春

贈隴州辛司候七首

巖前鶴唳草堂人喜見登科甲第辛學士要
遷官一品散臣不博壽千春

隴州辛司候到官三月見余勸學道

作 渠云念某纔請得三箇月俸因而有

馬風詩上讀書人各自家風各訴辛入仕新
官三月俸出塵故友屢經春

又

我會搖頭不管人因何詩曲捧呈辛宿緣宿
契雲霞友修補修完洞府春

又

馬風眷戀宿緣人時復狂吟冒瀆辛奉勸早
尋蓬島路自然得賞洞庭春

氣三

七

又

些兒微妙付何人說與前生的友辛蓮步步
開紅雪徑雲蹤蹤到碧桃春

隴州蕭公索詩兼呈辛公司候

的端鍊鍛了心人說與州官司候辛異日果

登三島路今朝喜遇一陽春

贈隴州鄭承德辛司候

攢三字起

道上許何人三公衛鄭辛諾時文序子唱和
武陵春

贈華亭馬玄中

擺脫家緣離俗人自然免受苦中辛道修消
盡千重業丹鍊完全萬劫春

贈華亭董遇師十三歲入道

少年休說異如人真實修持勿憚辛莫向人
前誇黑首爭知鏡內暫青春

贈白巖鎮魯周瑞

樂道逍遙豁暢人自無勞苦與勞辛洞內鍊
烹金鼎藥壺中賞翫玉樓春

贈化平縣朱玄覺

分明說與出家人戒斷腥羶厭五辛休向我
邊參久視便歸物外問長春

贈鄭善信

物外逍遙自在人調和甲乙與庚辛洞中常
伴長生客壺內閑觀不老春

贈化平縣趙至柔

猛烈回頭出世人免耽萬苦與千辛
鑪中九夏涼如水鼎內三冬暖似春

贈坊州曹解元

勸認清閑不采人柰何
冤業苦耽辛爭知歲月
催人老過了一春無一春

氣三

八

又

養家家累累迷人忒煞
奔波忒煞辛苦死不知
苦是苦春去那能春復春

又

獨自擔家贍衆人
無人分苦更分辛
勞心著

假蹉跎老因悟投真掌握春

又

悟來脫俗不愚人免受勞生苦與辛命變五行超造化性通九轉自然春

又

端的修行一志人何曾憂苦更憂辛太初丹結玄中寶黍米珠藏物外春

贈寧海沙三翁

忻住環墻得趣人何曾愁苦更愁辛能收白虎丹無漏會引青龍洞有春

贈文山周先生

披蓑携杖放慵人
豁暢心開怕說辛
誰信洞天玄圃景
無花無柳也成春

又

氣財酒色最傷人
火院熬煎苦痛辛
往往不

卷三

九

愁秋後景迷迷
空戀眼前春

贈長安李茂春

日相催老了人
然覺苦又驚辛
分開悟來投

道許長安李茂春

折日
字起

又攢二
字起

每言子好人怕苦恐粘辛
信得都因孝皆傳

李茂春

七言律詩

重陽憫化妙行真人
釣予出家故作是詩以謝師之慈悲耳

山洞閑想舊縱由火院中間憂裏愁
萬苦千辛求富貴千頭萬緒惹冤讎
尋思生死如何免服事妻男
怎到頭方欲尋歸何事幸風仙
釣出恣雲遊

又

山侗脫了火坑憂入道來來不害愁日日逍
遙樂吟詠時時坦蕩喜歌謳翠霞紫霧常爲
伴明月清風永作儔誘化仁人歸大道行功
圓備赴瀛洲

建德

道家無親無不親哀物哀人哀己身心起慈
悲行大德意無情念顯精神有爲境界時時
撥無漏園亭日日新暗積行功功行滿携雲
歸去禮師真

自述

頭梳三髻即非虔人問因由事怎傳揚顯師
名宜頂戴包藏士口處心堅爭知在世山侗
子不讓朝元獨角仙今日對君親說破他年
功滿步雲煙

又

氣三

萬緣勘破總歸空從此修行早見功十意馬難
為迷愛慾心猿易得做愚蒙氣神安淨金丹
結龍虎澄清玉性紅奉報同流憑妙用大家
修鍊赴蓬宮

又

寵妻不是聰明漢好色誠為懵懂哥稍稍留
心遭毒手微微掛意著他魔精枯髓竭形容
瘦氣散神衰鬼使拖我悟我驚當早避何須
直待鼓盆歌

連珠頌

我心有病我心醫人非人豈知搜妙搜
玄搜獲正不爭不競不修持常清常淨常生
善要道要行要拯危懷玉懷仁懷救度起心
起念起慈悲

完顏侍郎因謂予曰不意先生肯住

茅菴環堵受如此瀟灑因而有作

馬家巷內馬風家北宅南園不足誇那箇榮
華非活計這般瀟灑好生涯身心離俗修金
窟雲水投玄種玉芽頓覺眼前天地窄壺中
日月結靈砂

氣三

十一

詠秋景

一年嘉景在三秋斗指西方運火流成氣收
精通妙用飛霜迎節應真修菊開常有陶潛
興葉落全無宋玉愁向曉風清溪月白有人
悟得赴瀛洲

寄呈高陵劉伯虎殿試

彭城物外細搜求
悟一之時萬事休
坐卧不妨牽白鹿
住行無礙引青牛
常清常淨須當
認真行真功
決要周九轉
丹成蓬島去
專參的祖海蟾劉

勉門人

修行須棄色和財
慎勿貪盃惹禍災
速把我人山放倒
急將龍虎穴衝開
丹成雪彈明金鼎
性結霜毬晃玉臺
常有白雲飛洞口
行功圓備赴蓬萊

又

爭名競利苦忙忙不覺容衰兩鬢蒼貪爲妻
男身受苦怎知道德事偏長願公速固精神
氣學我勤修鉛汞霜功行積成真性顯大家
同共赴蓬莊

挈李大乘入環堵作

西北亭川環堵居此中堪可隱吾軀眼前碧
竹數君子面對青松二大夫流水假山兒戲
爾清風明月汝知乎若能悟解予栽九

子於
環堵

栽莖薤
故寓焉

有分靈光赴玉都

呈岐陽丹霞觀張正夫

披雲引鶴訪雙林
抱箇無爲霹靂琴
花萼樓前逢益友
昆明池畔遇知音
三田珍寶明神室
八脉嬰兒出錦衾
手掌夜光珠一顆
不勞足力步瑤岑

氣三

十二

贈李大乘兼呈淨公長老

環牆裏面最脩然
道舍清虛占兩椽
深愛筠生君子志
可憐松老大夫賢
八渠淥水成清醪
五岳連峯聳碧蓮
雖有儒生爲益友
不成三教不團圓

贈涇陽張先生

六旬有四卦將休
猛悟灰心離俗遊
訪我投真歸正覺
搜玄索隱做持修
頭分丫髻雲霞友
手顯擎拳風月儔
稽首更明珍重理
自然得去赴瀛洲

和月窳老人

既知不二道
先天符契山侗至
妙言鸞鳳翔
投玉窟虎龍吟
嘯入金門壺
中烹鍊乾坤髓
洞裏撼搖天地根
一粒黍珠藏日月
昏昏默默不容昏

和高內奉

既言仕宦著罽塵何必奔波過此生速剪萬
緣如斷梗免教一性似飄萍出離苦海心開
悟撥散浮雲月自明功行圓周超上界方知
馬鈺啓丹誠

第三

十三

和甯伯功惠銀杏詩

七寶玲瓏珍藏鄉產般異菓果非常外成粉
殼渾全玉內結水晶半帶霜文武火炮增品
味棟梁水煑轉馨香想君先得此佳趣見惠
山洞正一陽

訪秀林長老張德通殿試

圭峯山下秀林村得趣高僧喜道人引鶴披
雲來就教參玄問妙去除塵無爲清淨龍蟠
虎大道自然鳳產麟若得儒張知苦子遂成
三教話長春

吳正心趙霜心魏霖從余訪圭峯

三公相從九仙遊十二周天十二周憑仗九
三爲妙用堪遷二六作風流好將水火鑪中
養便把乾坤鼎內收異日功成丹烜赫共同

雲步訪瀛洲

寄蒲城陸德寧

休言在俗做修行
休說家中非火坑
對境心迷難養氣
逢魔意亂怎收精
願君開悟除三毒
學我澄清屏七情
拂袖超然離苦海
雲朋霞友論長生

耀州劉公夢海蟾學修行以詩贈之

海蟾入夢化劉仙
遣汝投予學妙玄
有說寧知無說法
無言怎悟有言傳
能持清淨無爲理
便達精微造化權
天地悉歸金玉鼎
神丹結正性團圓

又

彭城何事不迷昏得遇來投清淨門便認陰
符三百字好搜道德五千言就中得一通三
妙向裏通三得一軒莫使黑雲爲障閉自然
返老復歸元

和三水縣王知觀

氣三

十四

看看相近下坡年悟取賢家本是仙早訪林
泉捐俗累速離宮觀棄塵緣無爲性上通玄
妙清淨心中達妙玄功行周圓蓬島去侍香
鍾呂太原前

和司公周監使

物外逍遙任自然終南山下闡良緣怎知我
得無無趣勸化人離種種邊坦蕩觀瞻壺內
景慇懃修補洞中天功圓行滿乘雲去同禮
重陽風害仙

和寧海軍孫公執殿試

願公開悟萬緣休慎勿塵埃性上留功有幹
旋全水火箇無故歿沒春秋速令赤馬吞黃
馬便使青牛吼白牛烹鍊大丹丹烜赫何愁
紫府詔來不

過修善村求齋

馬家巷內馬風狂得遇修仙萬事忘養氣全
神成道果烹鉛鍊汞結丹陽清清淨淨金光
瑩湛湛澄澄玉性芳一片霜心無我相人來
取火愈清涼

契遇菴

氣三

十五

尋思最緊是修持急急修持尚恐遲坎虎離
龍常逗引心猿意馬罷奔馳紫金山後通三
要白玉臺前種九池三疊心琴成曲調清清
聲韻應仙箎

福山縣周彬甫索

偶因牒發到鄉來
得與周公屢接陪
索我清吟難拒命
勸君開悟省貪財
心澄白虎穿丹穴
意淨青龍上寶臺
龍虎遶蟠成大藥
胎仙歌舞訪蓬萊

福山縣劉公索

劉公學道聽予言
入妙門庭要志堅
清淨堪為仙活計
利名豈是道因緣
虎龍便合閑調引
猿馬無令放耍顛
神氣沖和成大藥
性靈飛上大羅天

福山縣單一翁索

單公好鍊性溫柔休似從前分外求猿馬引
心迷假合虎龍入腹應真修清中玉妣歌無
歇淨裏金嬰舞不休固守根源丹自結功成
行滿赴瀛洲

贈黃縣馬從仕

為人須要笑哈哈對月臨風好把杯閑悶閑
愁閑放下自寬自樂自無災無為清淨登仙
路坦蕩逍遙上寶臺若悟如斯為活計大家
雲步赴蓬萊

加持馬從仕宅醮

悟來樂道恣情啗醮食須求麵一杯幸遇黃
冠行法事助他清醮謹讓災加持潔已居環
堵追薦亡靈上玉臺瑞氣祥雲相引去蟠桃
賞旣宴蓬萊

氣三

和萊陽楊殿試韻

十六

遐齡鳳曆不須推仁者從來勝壽眉鄉老盡
傳鄉行好道人又許道心竒柰何性上攀緣
累怎得玄中奧妙知但願賢家開悟早同歸
蓬島禮真師

又

遇予便合認真常性月靈靈圓更方忻處茅
菴辭峻宇喜陪籬障棄高墻勤修元首
三清舉遠勝名魁四選場定是將來仙得做
何須求問治膏肓

述懷藏頭拆字

蟠古髻古今希衲蒙頭孰敢依愛世華增我
相觀天道悟鳥飛儀流轉成玄寶脉冲和應
妙機上金花長久放今知是覺前非

拆三字起

自詠

侗恣意騁狂顛樂真閑得自然裏湧泉端的
汞中生火的端鉛龍嬉戲噴紅珠虎咆哮吐
紫烟謂箇誰丹藥種陽師父害風仙

拆山
字起

過圭峯即事

峯山隱九般霞段光輝段段華載鍊烹成至

氣三

十七

寶風不動結靈砂年悟取長生景子心開不

謝花導馬風行教化宜壺內做生涯

折圭
字起

京兆府任公索

朝丁屬府推任我俱忘物外尋步不移雲水
至心捉住鬼神欽龍蟠遠呈祥瑞虎咆哮銜

好音就月將丹結寶珠活樂出瑤岑

折今
字起

任判官求

朝酷告判官任我速除福轉深湧焰光焚碧
海清子淨舞朱林金間隔成功擘月交馳顯
道心毒俱無丹自結人忍辱步瑤岑

折今
字起

和月窳老人

金間隔晃曾襟殺邪魔理趣深裏神光成玉
焰中蓮藥結霜心靈瑩瑩通明旭曜輝輝蕩
散淫上山侗能養浩君保惜自瓊林

折木
字起

和吳元素

從無意羨簪纓
姹閑調棄利名
口相傳忘智
慧心不動默聰
明烏月兔清澄
瑩虎金龍哮
吼聲目聾盲難
外騁風堅志救
群生

拆一
字起

和平涼陳學正

金有間莫輕拋
子心灰鬢不凋
轉十洲觀紫

府開三島看青
霄中玉兔常無
昧裏金烏自

是調易變通陳
學正成仙契好
爭標

拆木
字起

和于內奉韻

德金方修九九
動胎仙常啓口
從得遇絕憂
愁上塵情都擲
擻載慙懃補漏
天道斡旋如

用手公亦遇重陽師論清真任身朽折木起

贈黃縣衛彥周

乎者也兀誰休是芝陽衛彥周訣三光須要
認花五彩決持修開玉藥全無事綻金蓮別
有由上田田丹自結人相逐馬風遊拆之起

氣三

十六

和張公殿試

風吹動玉冠簪有張公怕事禁我佳篇詢意
馬君妙訣話猿心鈞三毒休胡放種千般莫
要尋寸靈珠方寸內常清淨鬼神欽拆金起

贈三光會首周彬甫

人好離利名鉤口傳玄勸早修我心中當剪
截矛盾意上莫停留田耕透三田寶玉生成四
玉牛載慇懃非用力圭得飲行功周

拆吉
字起

和縣尉王武略

壬交會得真閑訪金方牒發還離塵情屏俗

事開心性與玄關扃戶掩居環堵就月將鍊
寶山見吾官神自喜傳微妙好躋攀

拆丁
字起

和寧海劉殿試

傳離俗樂然歸裏華陽更問誰若諾時常作
伴違口契永難隨中玉兔行來晚裏金烏叫

及時步能移仙舉應蓮五彩自然知拆口起

和范壽卿殿試

儀攢聚結靈丹點元陽晃九關戶闡開無俗

慮神安靜得真閑金間隔垂雲脚日交輝現

本顏味瓊漿因爛飲君詩債片時閑拆二起

氣三

十九

又

人開悟悟終宵在行菴不照茅為官魔來故

郡尋仙契結知交天母地通三要姹嬰嬌弄

六爻動心清增慧力圭爛飲萬緣拋拆才起

和于百壽韻

風清淨大乘功辦修持不落空炷心香關穴
滿般槍法妙玄通乎者也非吾會月星辰在
鼎中訣授傳如省悟蓮開後不愚蒙

折家
字起

和崑崙于華叔韻

蟠虎遶助神翁化將來再遇風滅尸亡心意

淨昇火降妙玄通乎者也為開導德清閑合
至功勸于公并道友當早早出塵籠

折龍
字起

洞玄金玉集卷之三

共上

